

BIOGRAFIA DI LAURA SIMONA WERNET-PASKEL

Laura Simona Paskel a nace riba e fecha di 18 di februari 1911 na Santa Cruz. Su mayor nan tabata Petrus Nicolas Paskel y Gustina Geerman. E famia di Petrus Paskel tabata tin dos yiu muher so. Su ruman mes a fayece na un edad relativamente hoben lagando e su so atras.

E generacion bieu lo ta recorda Laura ainda hopi bon cual no ta e caso kizas di e generacion nobo of generacion actual. Laura a nace pa bira un maestra di school. E tempo aya ni Lago tabata existi mes y tur hende ta depende di e industria di pesqueria y trahando den cuunco.

A BIRA MAESTRA:

Tabata cu yudanza di e zuster nan di e orde di Dominicanessen Laura a logra bay Hulanda na e edad di 15 aña, pa e por sigui e educacion como maestra di school. Dia 18 di Mey di aña 1926 el a inicia su estudio bao guia di e zuster nan Dominicanessen na Reuver y na aña 1931 Laura exitosamente a termina su estudio na Hulanda y inme-

diatamente el a regresa Aruba, su Isla stima. Riba fecha di 1 di September 1931 a haya su nombramento como maestra di school na Aruba y for di e fecha ey te na aña 1960 Laura a fungi como maestra di school, mayoria parti na e schoolnan di Santa Cruz y tambe e tempo aya tur hende tabata yame "Juffrouw Laura". E ultimo school unda el a duna les tabata Maria School.

No solamente como educador Laura tabata conoci pero mirando e necesidad e tempo

den e district di Santa Cruz.

A CASA Y BIRA MAMA:

Na aña 1937 Laura Paskel a contrae matrimonio cu Willem Wernet, for di cual matrimonio a nace 7 yiu. Den e periodo di 1950 pa 1956 Laura a percura pa 5 di su yiunan tambe por a bay Hulanda pa haya mas educacion.

Un di su yiunan, Edmund, a



Laura Wernet-Paskel den compania di 3 amistad durante su estadia na Hulanda

aya el a haci tur loke tabata na su alcance pa yuda su pueblo, en especial su habitantenan

fayece na 1987 mientras cu e tin 2 yiu cu a keda semper permanece na Hulanda, esta Ivan



Laura Wernet-Paskel den compania di su 5 yiunan na Hulanda. Dos di su yiunan a keda Hulanda te cu awe y uno a fallece dia 1 di April 1907.

y Rudy Wernet.

Poco lo ta esnan cu ta corda cu Willen (Wechi) Wernet a lanta e negoshi bou di e number di "Aruba Motors Company", un negoshi di Scooter, e tempo aya un medio di transporte hopi usa.

Luego cu expansion a lanta e

religioso e tabata sumamente activo.

UN PERSONA GENEROSO:

Historia di Laura tabata hopi grandi pa esnan cu a yega di conoce y cu, ainda ta corda su bondadnan. Den segunda guerra

8 Maart Dia Int. di Hende Muher

*Nos Kier
Felicitá
Tur Muher
Ariba nan
Dia*



A.P.A.



Yiu di Laura Wernet-Paskel, Inca Wernet haciendo entrega di flor na Princesa Beatrix na Imaculata Huishoudschool na Sta. Cruz.

refresqueria Santa Martha na Santa Cruz, awendia conoci como refresqueria Brazao.

Laura tabata activo riba diferente tereno, mayoria parti el a dedica su bida riba educacion di su alumnonan pero tambe riba tereno social, cultural y

mundial Laura su persona tabata cana cas pa cas, negoshi pa negoshi pa asina recauda sea placa of paña pa manda pa esnan cu a keda desampara na Hulanda den e guerra aki.

Pueblo di Aruba a responde

Sigi lesa pagina 31

continuacion di pagina 30

spontaneamente riba peticion di Laura.

Laura simplemente no por lubida cu ta gracias na e pastooran y zusternan di Hulanda e tabata por a bira un maestra di school y tabata su turno pa yuda e pais aki bek.

Tabata na aña 1953 durante e inundacion di Zeeland unda cu Laura a bolbe drenta den accion y a percursa cu paketenan di comestible, paña, etc., a worde manda Hulanda pa e damnificadonan aya.

For di hopi corespondencia cu e famia ta dispone ta muestra cu Laura a keda cu contactonan strecho cu e hulandesnan y hasta por bisa cu Laura tabata mantene contactonan cu diferente pastor y zusternan for di diferente pais di mundo, entre otro, Africa, Suriname, y Belgica.


Na su cas na Santa Cruz Laura

tabata tin un biblioteca chiquito di cual tur hende por a haci uso di dje. Diferente maestro di school, pastor y zusternan tabata miembro du su biblioteca. Te ainda el a laga diferente buki atras cual e famia despues a regala e zusters convent na Santa Cruz.

RIBA LISTA POLITICO

Dunando honor na e aspecto di hende muher, Laura tabata e prome muher cu a subi riba lista politico den historia di Aruba.

Encabeza pa Apolonio (Pooy) Werleman, Laura a forma parti di e lista di UNA unda el a ocupa number 9. E tempo aya tabata conoci cu politico tabata hende homber so, y no pa hende muher y Laura no a vac-



Ariba e foto aki ta aparece Laura Wernet-Paskel, su mama Gustina Geerman, esposo Willem Wernet y 5 di su yunan. Dos yiu di Laura e tempo ey ya a bay Hulanda.

ila ningun momento pa habri e caminda unda cu hende muher tambe tin e derecho.

A DISPIDI COMO MAESTRA

Na aña 1957 Laura a haci su ultimo biahe pa Hulanda pa bishita su 5 yunan y alavez pa reuni cu su amistad y conocidonan y tambe pa chequeo medico.

Na aña 1960 Laura Wernet-Paskel obligatoriamente mester a tuma despedida como educador y como maestra di Maria School di Santa Cruz, y riba dia 8 di September 1962, diez dia prome cu e lo a cumpli 25 aña di matrimonio. Laura Wernet Paskel a fayece den Lago Hospital.

A dura casi 15 aña despues di su morto cu su famia a descubri un copia di e literatura di Laura. Tabata hasta desconoci pa e famia cu ya na aña 1944

parti di su literatura a aparece den e buki pa hubentud bao e titulo di "De Lasso", bao redaccion di Huize de La Salie, esta, durante e segunda guerra mundial. Den e buki aki a aparece e ultimo capitulo.

Masha bunita y tremendo tabata e comentario despues di un transmision radial, 6 aña pasa, unda cu a worde treci padilanti cu "un pida historia di Aruba, cu ya hopi hende a lubida y cu hubentud nunca a tende di dje, por poco a bay perdi y cu e historia di Aruba cu Laura Wernet-Paskel a inmortaliza a laga nos tira un bista den e curazon di un yiu di tera, cu a sobresali como maestra, como hende y como Arubiana di pura cepa".

Laura indudablemente a laga un bunita buki atras bou e titulo "Ons Eilandje Aruba". Un

buki inspira pa su stimacion grandi pa su isla natal, y mas ainda, pa su prohimonan keru. E ultimo frase di su buki a duna nos di pensa masha pero masha hopi mes den cual Laura den un forma masha clara, y tambe como un advertencia for di aña 1943 a pone riba papel cu: "Wat moet ons eilandje een paradijsje zijn geweest waar men niet bang behoefde the zijn vandaag of morgen uit verdreven te worden".

E inspiracion noble aki, cu a sali for di un Arubiana di pura cepa, tin nos cu e problema cu te ainda nos no por haya e forma con pa traduci e frase den forma optimal.

Material proporciona pa Andre Wernet.



Ariba e foto aki por aprecia e school na Deuver Hulanda unda den añanan 30 Laura a gradua como e prome maestra Arubiana. E seour ariba e potret aki tambe ta un Arubiana den compania di Sra. Glenda Croes, mama di nos actual Ministro Glenbert Croes.

8 Maart Dia Int. di Hende Muher

Nos Kier
Felicita
Tur Muher
Ariba nan Dia
ROMAR T.



Portada di e famoso buki di Laura Wernet-Paskel origina for di su manuscrito di aña 1940 bao titulo "Ons Eilandje Aruba". Berdaderamente un jooya di un buki skirbi pa un Arubiana simpel cu un stimacion grandi pa su isla. Mester haci lo maximo pa preserva e historia aki pa e futuro generacion.